

Melele: Kōkkāāl Ablikajon in Kōmelim 1115 an Oregon 2022-2027

Melele ko Jinoin

Ilo Babode 18, 2022, Oregon ear lelok ablikajon in kōkkāāl 2022-2027 1115(a) len Lelok Melele kin Kōmelim ñan Jikin Jibañ ko an Medicare and Medicaid Services (CMS). Ablikajon eo an Oregon enaj woñmaanlok kin mōttan ko aurok an Oregon Health Plan (OHP) ilo an lab an lale kalijeklok ko ikijen taktō ilo state in ad, ilo an bar kejbarok tiljek in tōbare oktak ko ilo an aoleb wōr aer injuran im lelok jermal in jibañ ko ewōr kejbarok eo elab joñan an emmon ilo an bar kadik wonnen ko.

Elab an kar COVID-19 kwalok kalijeklok ko rej kakkure jikin jermal in ejmour eo ad ilo jikin ko jej jokwe. Kim ej tōmak ke ilo ad lale ad jolok kalijeklok kein ilo taktō, im bareinwoōt lukkun kalikar ad loor kōtōbar in kakien ko jet ikijen ejmour ilo staate in ad, enaj kōmman bwe en wōr tōkjen jemlok ko remmonlok ikijen ejmour ilo jukjuginbed ko rej ioon bōd in jermal ko jen etto im ilo raan kein.¹ OHA ear kōkkāāl kōtōbar im kōkmanmanlok ko ñan burokraam in Medicaid eo an state jen tōbrak ko ad moktalok im lale ta ko emōj ad katak jen ta ko jar iooni kin COVID-19.

Melele ko Maanlok

Ilen Kwalok Melele kin 1115(a) eo an Oregon ear jino ilo 1994 im emōj an kar kōkkāāl im kōkmanmanlok kobban jen ien in. Bar kōkkāāl eo an 2012 ear kajutak doulul ko rej kōlaajrak kejbarok (CCO ko), im rej lelok kejbarok ñan ro uwaan Medicaid kin juon kein jermal in lelok jibañ emōj kar kōmmane ñan lale jorrāan ko rej walok jen jikin jermal in ejmour eo ewōr likjab ko ie.

CCO ko ej kolla kin juon jejjetin joñan eo aoleb allon ñan jermal in jibañ ko ikijen ejmour in enbwin, tamwi, im taktō in ñi, ilo an wōr mennin jibañ ko ñan lale aikuj ko an armij ro uwaan doulul eo kin jibañ ko rejab ikijen wūno in raan kein. Bajet in ekoba jibañ in jāan ko ñan kōkmanmanlok jemlok im joñan jermal ko. Ilo 2016, ear lablok an bar kōkkāāl melele an Oregon ilo madmōd eo ilo an lale joortoklik ko rej kōjejjet kin abañ in ejmour ko ilo jikin ko armij rej bed ilo aer kōjermal jermal in jibañ ko ikijen ejmour (HRS) im rej kōmelim an lablok an

¹ Jukjuginbed ko ekoba botab ejab jemlok wōt ñan Bwij ko ruwatimjuon an Oregon im federal ej kile im jukjuginbed ko an bwij; jukjuginbed ko an Latino/a/x, Rikilmej/African American, Asian, Pacific Islander, im American Indian/Alaskan Native im jukjuginbed ko jet armij ro rejab mouj kilier; armij ro ewōr aer utamwe; armij ro edik aer jelā Kajin Belle; im jukjuginbed ko an rilikin am ro emōj aer jool jen lal ko aer.

bidodo an CCO ko kolla wonnen jermal in jibañ ko rejab ikijen taktō ñan kōkmanmanlok jemok ko ikijen ejmour.

Jekdoñ tōbrak ko an Oregon kin kein jermal in kōlaajrak kejbarok eo, Oregon emaron im aikuj emmonlok an jibañ armij ro elabtata aer uwōta kin kalijeklok ko ikijen ejmour ilo Oregon. Ro uwaan Oregon Health Plan im ro mottan jukjukinbed elab ien aer kōjella kin aikuj eo bwe OHA en lale kalijeklok ko ikijen taktō ilo jikin jermal in ejmour eo *im* jukjukinbed armij ro uwaan doulul eo rej jokwe im jermal.

Aurok ko ilo kakien eo

Kōlab joñan an woñmaanlok im ejellok kalijeklok ilo an aoleb maron bōk injuran

Waanjoñok eo ikijen ejmour aliktata ibelakin state eo an Oregon ear kwalok ke, ikōtaan 2019 im 2021, joñan injuran eo an state ear lablok jen 94% ñan 95.6%, ejab kab lab tata joñan in ilo melele ko ad. Im bareinwōt, joñan injuran ñan armij in Rikilmej ro ilo Oregon ear lablok jen 92% ñan 95%. Oktak in elab an kar walok jen an woñmaanlok injuran ear etal ñan ro uwaan Medicaaid ilo ien idin jorrāan in nañinmij eo ikijen COVID-19—ear kamool aurok in burokraam eo an Medicaid in kadiklok an lab poktak im emmonlok an ejellok kalijeklok ikijen ejmour.

Ej wōt ilo an woñmaanlok im ejellok kalijeklok ilo ejmour armij remaron bōke jibañ eo rej aikuji. Armij ro rejab mouj kilier im jukjukinbed ko rej ioon abañ ko iomwin kakien ekkar ñan kalijeklok ko jen etto ediklok joñan injuran ko aer. Kōtōbar in bar kōkkāāl ekoba an woñmaanlok an deloñ etan rūtto iomwin ruo yiō, woñmaanlok an deloñ etan ajiri ro mae ien 6 aer yiō iomwin lalem yiō, im lablok injuran ñan armij ro ilo Oregon rej bed ilo ien oktak ko.

Ilo ien kadu, OHA ej tiljek in jermal ñan kōmmāne bebe ko ñan ro uwaan OHP, im ilo jemlokin ien idin jorrāan eo kin nañinmij, enaj aitōklok aer maron tōbrak ñan OHP.

Kōkmanmanlok Ejmour ko kin Kōjejet Oktak ko ilo Mour im Injuran

Melele ko rej kwalok ke ekkā an armij luuji injuran ko aer im maron bōk jibañ ilo ien ko ewōr oktak ilo mour ko aer im ilo ien aer oktak ikōtaan kein jermal ko, einwōt ien aer diwōj jen imōn kalbuj ak aujbitol eo an state. Armij rej ioon bōjrak ko ñan aer maron bōk jibañ ko ikijen ejmour in tamwi im enbwin ilo ien oktak kein, im rekōmman wonnen ko relab ñan armij eo im jikin jermal eo. Im elabtata, oktak kein elab aer jelōte armij ro rejab mouj kilier im elab aer ioon kalijeklok ikijen ejmour. Ilo aer lelok jejetin pakij in jibañ ko ekoba kaitōklok an maron tōbrak armij ro uwaan doulul eo im rej iten oktak, Oregon emaron emmonlok an lolorjak an an armij wōr wōt aer injuran, wōr abañ ko aurōk ilo jikin ñan aikuj in ejmour ko retōbrak im aer maron wōt bōk jibañ im wūno, im aliktata enaj kōkmanmanlok jemlok ko ikijen ejmour.

Emakūtlok ñan kolla kin jikin armij ro emōj kaurok aer aikuj

Oktak eo jen state ko jet, emōj an Oregon kōmman joñan jāan ko relab ej kejbarok an federal im state jen kōtōbar in ad ñan Medicaid. Madmōdin CCO eo amim ej kōjermal wāween ko rekāāl im emmon wonneir. Ñan kejbarok im kōlablok tōbrak ko amim, Oregon aikuj woñmaanlok in kōmmāne juon jikin jermal eo ej lelok nebar ilo an jolok jāan ñan jolok

kalijeklok ilo ejmour im kōkmanmanlok ejmour ko an armij ro rej ebōk Medicaid im CHIP, im jab jolok wōt ñan madmōd im jermal in jibañ in taktō ko wōt.

jibañ ñan an ejellok kalijeklok ilo taktō

Kein jermal in lale eo kin kōlaajrak kejbarokear kōmman ilo an lelok jibañ kin joñan emmon im an armij maron bōke. lomwin yiō ko joñoul remootlok, emōj an Oregon kamool ke kolla ñan tōbrak emmon. Ilo an kolla ñan joñan emmon emōj an jibañ kōkmanmanlok joñan jibañ kin kalijeklok ko relab im ejellok oktak ilo jemlok ko.

Ro uwaan OHP im ro uwaan jukjukinbed emōj aer woñmaanlok in ba ñan OHA ke ejellok kalijeklok aikuj men eo rej lale ilo aoleben jikin jermal eo. OHA ej bebe in kōmmane bōnōbōn ko rejab wōt lale joñan ko jen mokta im an armij maron bōke jibañ in ejmour ko aer make ilo an bar kōmmane mōttan bōnōbōn ko ejellok kalijeklok ilo an tōbrak ñan kōkmanmanlok mennin ejmour, Oregon emaron kōmmane tōbrak eo elab joñan ñan kōmmane kein jermal eo bwe en lablok an ejellok kalijeklok ilo jemlok ko an taktō.

Kōkmanmanlok ejmour kin joortoklik ko rej lale an ejellok kalijeklok im jukjukinbed ko rej tel

Kein jermal eo amim emaron lablok men ko ej kōmmani ñan rōjañ ro mōttad ñan bar letōk jibañ ko aer ilo wāween ko ilo jukjukinbed ñan lale abañ ko ñan armij in jikin eo ikijen ejmour im rej kōmman an walok an wōr kalijeklok ilo ejmour. Ñan an maron lale kalijeklok ko ikijen ejmour, Oregon aikuj ukōte an lelok bwe jukjukinbed ko rej ioon kalijeklok kein ren kōmmane jemlok, lelok aer kajur, im mennin jibañ ko.

State eo ej akjitōk in kōmmane joortoklik ko rej lale bwe en ejellok kalijeklok ñan bar ajeje mennin jibañ ko im kajur in kōmman kelet ñan jukjukinbed eo. Ñan jibañ joortoklik ikijen ejmour an jukjukinbed bwe en ejellok kalijeklok im lablok kein jermal ko raurok ikijen jāān im melele ñan doulul ko ilo jukjukinbed ilo an lelok jibañ kein, Oregon ej kajitōk an CMS kōmelim an wōr kwōnaan federal ilo an lelok jāān (FFP) ñan an kalikar burokraam in ejmour ko an state (DSHP).

Oregon ejab bebe in kōjermal mennin jibañ ko an DSHP ñan kolla wonnen burokraam in Medicaid ak bar bōk jen abañ eo kin bajet. Innem, state eo ej bebe bwe joortoklik in ejmour ko rekāāl im an state wōt im rar kōmman jen Jikin Kwelok eo ilo yiō ko rej kab jemlok remaron tōbrak ñan DSHP im mennin jibañ ko an federal rekāāl remaron jermal jen ibben jukjukinbed ko emōj aer jelōt jen bōd in jermal ko jen etto, elabtata ñan lale kalijeklok ko kin ejmour.

Enaj emmonlok an Oregon lale joortoklik ko kin ejmour im jukjukinbed eo ej tel ilo an lale aban ko relab ñan ejmour eo emmonlok, diklok wonnen ko, im ejellok kalijeklok ilo ejmour elañe kajitōk in enaj tōbrak.

Loor aurok ko an Bwij ro jej jermal ibbeir

Oregon ej tiljek in jermal ibben Bwij ko Ruwatimjuon ilo Oregon im Kien eo an Federal ej Kile, im Burokraam in Ejmour eo an Indian ilo Jikin ko Bukon (Urban Indian Health Program, UIHP) ñan kalikar men ko rej jibañ loloorjak kōtōbar in ejmour ko an Bwij renaj tōbrak ilo ien aer kile

wāween madmōd ko an bwij jen etto im dābij an kien ko ruo jermal ibben doon. Ilo an kobalok im Bōk Melele ibben Bwij im Doulul in Burokraam in Ejmour eo an Armij in Indian ilo Jikin ko Relab, emōj amim kōmmāne kakien kein rej kōkmanmanlok jemlok ko kin ejmour ñan ro rej uwaan Bwij ilo state eo.

Kajitōk in bar kōkkāāl ko jet:

Emōj an Oregon kajitōk in likūt eloñ kein jermal ko ilo len Kwalok Melele eo kin 1115(a) kiō im ekoba:

- Laajrak eo Emōj Kaurok kin Jibañ ko an Ejmour im Kamijen in Etale Kein Kamool in Taktō;
- Kein jermal in lale eo an kōlaajrak kejbarok im kakoba ejmour in enbwin, tamwi, im taktō in ñi;
- Doulul ko rej Kōlaajrak Kejbarok im jibañ ro uwaan doulul ko ilon jukjukinbed ko aer make;
- Wāween lelok kolla ko rekkar ñan aurok;
- Kallimur ko ñan lelok joñan im an armij maron bōk jibañ;
- Koonjel in Rōjañ ko an Jukjukibed; im
- An bwij bōk kwōnaan im jermal ibben kakien ko an CCO im OHA.

Oregon ejab bukōt an kōkkāāl kōmelim in jab aikuj eo etto an bed ikijen Etale ñan Bōbrae Ajiri ilo len aer Dik, Kakōlkōl, im Kōmadmōd (EPSDT) ñan ajiri. Jemlok eo ear itōk jen an kar alikar melele ko rar itōk jen armij ro ilo jukjukinbed, armij ro rej lelok rōjañ, doulul ko rej jibañ ajiri, im pade ro jet ewōr aer kōnaan ilo makūtūt kein. Oregon enaj woñmaanlok an karōke jibañ ko an OHP ilo Laajrak eo an Jermal in Ejmour ko Emōj Kaurok, bōtab, State eo enaj karōke, im kōmmāne an ajiri ro rebojak, bōk aoleb jermal in jibañ in ejmour ko rej aikuj ñan kōmadmōde nañinmij ko emōj kalikar einwōt mōttan etale eo an EPSDT.

Im bareinwōt, ilo aer loor wāween jermal eo kiō in kōmelim an armij maron tōbrak jen kar raan ko moktalok, Oregon eban kabōk in bar kōkkāāl kōmelim eo enaj kōmman an jab tōbrak injuran jen raan ko moktalok.

Ekkar ñan melele eo emōj loe jen pade ro ewōr kwōnaer, OHA ej jolok kajitōk eo an ikijen an dik joñan wūno ko taktō remaron bōki jen ablikajon eo aliktata.

Kwōmaroñ bōk beba in ilo bar jet kajin, jeje ko relab, jeje ko an ribilo ak ilo juon wewein ko kwōkōṅaan. Kebaak Burokraam in Kebaak Kumi ko Rej Jermal Ibben Doon ilo Jukjukinbed ilo community.outreach@dhsosha.state.or.us ak ilo am kūrlok 1-833-647-3678. Kimij ebōk aolep kall ko rej itok kin kein jibañ ak kwōmaroñ jibed 711.